



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

de patientia persecutionis. cap. 14.

urn:nbn:de:hbz:466:1-35578

psal. 7

Mat. 15
Chananea

2. Tim. 3

Mat. 12
Ioha. 2

Ioh. 15

le ista contumelia liberaret, exaudita octavo viro desponsatur, Tobia: juniore, dominoque fauente cum illo feliciter vixit. Tu quoque beatus eris, & preces tuæ ad aures domini sabaoth peruenient, si cum psalmista dicere poteris: Qui inquirebant mala mihi locuti sunt vanitates, & dolos tora die meditabantur, ego autem tanquam surdus non audiebam, & sicut mutus non aperiens os suum, & factus sum sicut homo non audiens, & non habens in ore suo redargutiones, quoniam in te domine speravi, tu exaudies me domine deus meus. Sic certe exaudita est Chananea mulier pro filia supplicans, quando canibus comparata humili responsione intimam cordis patientiam indicauit.

De patientia persecutionis.

Caput, XIII

PAuli apostoli, in quo Christus loquebatur, sententia est: Omnes qui pie volunt viuere in Christo Iesu, persecutionem patientur. Quid ergo de aliorum inuidia querimus, si ea ipsa testis est nostræ in deum pietatis ac religionis? Dominus noster Iesus Christus malorum inuidiam passus est. Cum ab hominibus expelleret immundos spiritus dixerunt: In Beelzebub eicit dæmonia. Idem sola verbi virtute morbos curat mortuos suscitatur, & aiunt: Non est hic homo a deo qui sabbatum non custodit. Si ergo pro benefactis male audit iustus & innocens dominus, quare cum detractiões accipit, irascitur peccator seruus? Ille apostolis suis dicebat: Si mundus vos odit, scitote quia me priorem vobis odio habuit; si de mundo fuissetis, mundus quod suum erat, diligeret: quia vero de mundo non estis, sed ego elegi vos de mundo, propterea odit vos mundus. Quoties ergo patimur quæ in carne passus est dei filius, quæ passi sunt electi serui eius, æquo animo toleremus. Non est seruus maior domino, aut fateamur nos, qui multorum criminum consci sumus, indignos esse iniuria, & illum dignum qui peccatum non fecit vel illos qui spiritu sancto repleti erant, & tamen infestationibus impiorum

hominum carere nō poterant. Quod certe fateri nemo, ni stultissimus fuerit, potest. Dominus igitur omnium innocentissimus, omnium optimus, falsis criminationibus circumuenitur & tacet, accusatur & nihil respondet, ab hominibus diiudicatur hominum angelorumque conditor atque dominator, & sustinet. Nos vero in peccatis geniti, in vanitatibus enutriti, nos inquam omnibus in iuris digni, etiam ad leues offensas excandescimus, ringimur, furore replemur. Quod si paulo diligentius conscientiam nostram examinabimus, inueniemus, nihil mali nobis non iure ac merito accidere. Nam licet illi a quo accepimus iniuriam nunquam offenderimus, offendimus tamen deum in multis. Ideo quicquid etiam ab illis quos non læsimus patimur, ex iusto dei iudicio provenire sciamus, feramusque molliter ac modeste, iuxta illud Michæ prophetæ. Iram domini portabo, quoniam peccaui ei, donec causam meam iudicet, & faciat iudicium meum, & educet me in lucem, & videbo iustitiam eius. Iram ergo domini perquam humiliter toleremus, quia peccavimus, tunc autem ab eo speremus lucem, cum per peccatorum penitentiam iratum placauerimus. Neque enim aliter egit latro in cruce, cum fateretur iuste se pati & digna factis recipere, & conuersus ad saluatorem clamaret. Memento mei domine cum veneris in regnum tuum. Ob quam tolerantiam subiectionem meruit & ipse inuitari ad lucem, domino respondente. Hodie tecum eris in paradiso. Tunc omnis pena illa delinquentis versa est in gloriam penitentis, cum se pena dignum diceret, sequi illi cui peccauerat commendaret. Porro quando inimici invidia vitæ tuæ insidiatur proponere tibi illam erga Saulem regem Davidis patientiam. Sæpius ab ipso ad necem peritus fugiendo declinabat periculum. Bis quidem potuit capitalem inimicum suum interimere manu, sed noluit. Qua constantia dignissimus visus est, qui ei in regno succederet. Vnde confidenter postea locutus est. Si reddidi retribuētibus mihi mala, decidā merito ab inimicis meis inanis. Et iteque. Cū quis goderit pacem, erā pacificus. Hoc plane patientiæ

Mich. 7

David:

Psal. 7.

Psal. 119.

Matt. 5.

genus commendatum est nobis in euangelio, dño dicen-
te: Diligite inimicos vestros, benefacite ijs qui oderunt
vos, & orate pro persequentibus & calumniatibus vos,
vt sitis filij p̄is vestri, qui in cælis est. Qui ergo parum
patiens fuerit, qui odientem non dilexerit, qui denique
pro iniuria beneficium beneuolentiamq; non reddide-
rit, patris cælestis filius esse nō poterit. Ille solem suum
ortu facit super bonos & malos, & pluit super iustos
& iniustos, vt doceat te omnes diligere, neminem læ-
dere, nullam appetere vindictā cum offensus fueris, sed
potius offensa te dignum iudicare. Hæc humilitatis, hæc
patientia virtus est. Virtus autem, (vt apostolo placet)
in infirmitate perficitur. Vbi exerceres patientia virtute-
m, si nemo esset qui aduersaretur, qui inuideret, q̄ ho-
stiliter infestaret? Ob hoc igitur etiam malos esse per-
mittit deus, vt per eos boni exerceantur, & ad perfe-
ctionem vitæ perueniant, odia hominum non vindi-
cando, sed sustinendo.

¶ De patientia ingratitude, percus-
sionis & bonorum ablationis.

Caput XV.

Sed ab illis, inq̄s, qbus in primis obsecutus sum, in
q̄s beneficia plurima contuli, patior iniuriā, & q̄s
mihi semper amicissimos fore sperabam, eorum
odia sustineo, magisque me angit ipsorum ingratitu-
do quam offensa. At etiam Christus dominus tuus q̄s
venerat saluare, ab ijs passus est necem. Christi quoque
Apostoli, quibus viam veritatis monstrabant, vt cre-
dendo beatitudinem consequerent, ab illis ludibria ver-
bera, mortem sustinere. Vis tu non amittere bonum
quod feceris? æquo animo feras & ingratos, magisque
tibi proderit patientia tua, quam nocebit illorum perfidi-
a. Ad hæc si etiam verberibus afficeris, si opibus exue-
ris, si torqueris & ad mortem posceris, talia sancti mar-
tyres perpassi sunt, talia pro nobis dominus & saluator